



Неделя вторая святых постов, Григория Паламы.

Поется настоящее последование, во святых отца нашего Григория архиепископа, фессалонитского чудотворца, Паламы. Сложенное от святейшаго патриарха Филофея.

На велицей вечерни

На Господи воззвах: поставим стихов 10. И поем стихиры на 6, воскресны 3 и Анатолиевы 3, Осмогласника. Таже и Триоди 4 стихиры.

Глас 2. Подобен: Киими похвальными песньми:

1. **Стих:** От стражи утренния до ноци, от стражи утренния,/ да уповаеи Израиль на Господа.
2. **Стих:** Яко у Господа милость и многое у Него избавление/ и Той избавит Израиля от всех беззаконий его.

Киими благопохвалений песньми воспоем иерарха,/ богословия трубу́,/ огнедохновенная уста благодати,/ честное духа приятелище,/ столпа церкви непоколебимаго,/ великое вселенная украшение,/ реку премудрости, света светильника, // звезду ясную, тварь просвещающую? **Дважды.**

3. **Стих:** Хвалите Господа вси языцы/ похвалите Его вси людие.

Киими песнопений цветами венчаем иерарха,/ благочестия поборника,/ и нечестия противника,/ теплаго веры предстателя,/ великаго наставника и учителя,/ цевницу всекрасную Духа, златосияющий язык,/ источник кипящий токи исцелений верным, // великаго и досточуднаго Григория?

4. **Стих:** Яко утвердися милость Его на нас/ и истина Господня пребывает во век.

Киими земнороднии устнами восхвалим иерарха,/ Церкви учителя, света божественнаго проповедника,/ небеснотаинника Троицы,/ велие монашествующих украшение,/ деянием и видением просиявшаго,/ фессалонитскую похвалу, согражданина имущаго, // мироточнаго на небесех божественнаго и пречуднаго Димитрия?

Слава, глас 6:

Преподобне, треблаженне,/ святейший отче,/ пастырю добрый и архипастыря Христа учениче,/ положивый душу о овцах;/ сам и ныне, отче наш Богоносе Григорие,/ испроси молитвами Твоими,// даровати нам велию милость.

И ныне, догматик гласа. Свете ти хий: Вход.

На литии же, яко обычно, стихира храма. Слава и ныне, Богородичен.

На стиховне стихиры Осмогласника.

Слава, Тропарь Григорию, глас 8:

Бодрый язык твой ко учительству,/ во ушесех сердечных возглашая,/ ленивых души возставляет,/ и боговещанными словесы Твоими лествица обретается,/ от земли к Богу возносящая./ Темже, Григорие, Фессалии чудо,/ не престай моляся Христу,// просветити божественным светом чтущия тя.

И ныне, Богородичен:

Безневестная Дево,/ яже Бога неизреченно зачещи плотию,/ Мати Бога Вышняго,/ Твоих рабов мольбы прими, Всенепорочная,/ всем подаючи очищение прегрешений,/ ныне наша моления приемлющи,// моли спастися всем нам.

Ныне отпускаеши: По Трисвятом тропарь Богородице Дево: трижды.

На утрени

на Бог Господь: тропарь воскресен дважды.

Слава, святого, глас 8:

Православия светильниче,/ Церкви утверждение и учителю,/ монахов доброты, богословов поборниче непоборимый,/ Григорие чудотворче, Фессалонитская похвало,/ проповедниче благодати,// молися выну спастися душам нашим.

И ныне, Богородичен:

Иже нас ради рождейся от Девы,/ и распятие претерпев, Благий,/ испровергий смертию смерть,/ и воскресение явлей яко Бог,/ не презри яже создал еси рукою Твоею;/ яви человеколюбие Твое, Милостиве,/ прими рождшую Тя Богородицу, молящуюся за ны,// и спаси, Спасе наш, люди отчаянные.

И обычное стихословие; и прочее последование воскресной службы. Ирмосы воскресные гласа. Катавасия Отверзу уста: [зри в неделю мытареву].

По 3-й песни кондак Триоди, глас 4:

Ныне время делательное явися,/ при двéрех суд, востанем убо постящеся,/ принесем слезы умилéния,/ мýлостынями, зовýще:/ согрешихом паче песка морскáго./ Но ослаби, Содéтелю всéх,// яко да примем нетлénныя венцы́.

По 6-й песни кондак святому, глас 8:

Премýдрости священный и божéственный оргáн,/ богословия светлую соглáсно трубý,/ воспеваем тя, Григóрие богоглагóльниче:/ но я́ко ум Уму пёрвому предсто́йй,/ к Нему ум наш, отче, наста́ви, да зовём:/ радуйся, проповéдниче благодáти.

По 9-й песни: Свят Господь Бог:

На хвалитех

поставим стихов 8, и поем стихиры Октоиха, 5.

И Триоди подобны три, глас 1. Подобен: Небесных чинов:

1. Стих: Хвалите Его в кимвалех доброгласных, хвалите Его в кимвалех восклицания,/ всякое дыхание да хвалит Господа.

Блаженную в мире жízнь совершив,/ и ныне блаженных срадуешися собóром,/ и на земли кротких, яко кроткий живéши,/ иерарше Григóрие;/ благодатию же чудес богатееша от Бóга,// юже подаеши чтýщим тя.

2. Стих: Уста моя возглаголют премудрость,/ и поучение сердца моего разум.

Православия догматы насадил еси,/ злославия блаженне отсекая тёрние,/ и веры семя умножая дóбре,/ одождением словéс твоих,/ стократный клас, яко деятельный земледéлатель// Богу принéсл еси.

3. Стих: Услышите сия вси языцы,/ внушите вси, живущии по вселенней.

Непорочнаго твоего жития блаженне светлости/ удивишася ангел и человек собори;/ ибо произволением твердый страдалец/ и постник явился еси,/ и иерарх, и достойный служитель Божий,// и друг искренний.

Глас 6:

4. Стих: Воскресни, Господи Боже мой, да вознесется рука Твоя,/ не забуди убогих Твоих до конца.

Во тьме согрешений ходящим,/ свет возсиял еси, Христé/ временем воздержáния,/ и благоуханный день страсти Твоя покази нам,/ да вопиём Тебé:// востани Бóже, помилуй нас.

Слава, таяжде стихира: И ныне: Преблагослове нна еси: Славословие великое. И отпуст.

На Литургии, св.Василия Великаго

блаженны гласа, на 6, и святого песнь 3-я, на 4.

**По входе:
[в храме Господском]**

Тропарь воскресный гласа.

Тропарь Григорию, глас 8:

Бодрый язык твой ко учительству,/ во ушесех сердечных возглашая,/ ленивых души возставляет,/ и боговещанными словесы Твоими лествица обретается,/ от земли к Богу возносящая./ Тёмже, Григории, Фессалии чудо,/ не престай моляся Христу,// просветити божественным светом чтущия тя.

Слава: Кондак святому, глас 8:

Премудрости священный и божественный орган,/ богословия светлую согласно трубу,/ воспевает тя, Григории богоглагольниче:/ но яко ум Уму первому предстоай,/ к Нему ум наш, отче, настави, да зовем:/ радуйся, проповедниче благодати.

И ныне: Кондак Триоди, глас 4:

Ныне время делательное явися,/ при дверех суд, востанем убо постыщися,/ принесем слезы умиления,/ милостынями, зовуще:/ согрешихом паче песка морскаго./ Но ослаби, Содетелю всех,// яко да примем нетленные венцы.

Прокимен, глас 5: Ты Господи сохраниши ны,/ и соблюдеши ны от рода сего и во век. Стих: Спаси мя Господи, яко оскуде преподобный.

Апостол ко евреям, зачало 304. Аллилуия, гласа. Евангелие от Марка, зачало 7. И святому вся служба святительская.

Киноник: Хвалите Господа с небес:

На Хвалитех, глас 1

Подобен "Небесных чинов радование"

Напева Оптиной Пустыни

1 Хвалите Его в кимвалех доброгласных, хвалите Его в кимвалех восклицания.

Т. I
Т. II

Вся - ко - е ды - ха - ни - е да хва - лит Гос - по - да.

Бар.
Б.

Бла - жен - ну - ю в ми - ре жизнь со - вер - шив,

и ныне блаженных срадуешися со - бо - ром,

и на земли кротких, яко крот - кий жи - ве - ши,

и - е - рар - ше Гри - го - ри - е;

бла - годатию же чудес богатееша от Бо - га,

ю - же по - да - е - ши чту - щим тя.

2 Уста моя возлагают премудрость,

и поучение сердца моего разум.

Православия догматы насадил еси,

злославия блаженно отсекая тер - ни - е,

и веры семя умно - жа - я доб - - - ре,

о - дож - де - ни - ем сло - вес тво - их,

сто - кратный клас, яко деятельный зем - ле - де -

ла - тель Бо - гу при - несл е - си.

3 Услышите сия вси языцы,

вну - шите вси, живущии по все - лен - ней.

Не-порочнаго твоего жития бла-жен-не свет - ло - сти

у - дивишася ангел и человек со - бо - ри;

и - бо произволением твер - дый стра - да - лец

и пост - ник я - вил - ся е - си,

и иерарх, и достойный слу - жи - тель Бо - жий,

и друг ис - крен - ний.